

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus III. Ne Prælati vices suas vel Ecclesias sub anno censu concedant.

[urn:nbn:de:hbz:466:1-63255](#)

TITULUS IIII.

Ne Prælati vices suas vel Ecclesiastis
sub annuo censu concedant.

QUÆRES. An Prælati vices Ecclesiarum sibi commissarum, id est, Iurisdictionem Ecclesiasticam sibi competentem pro annua pensione aliis concèdere possint? Respond. Negat. Prout expressè decisum est in c. 2. § 3. b. t. & in Trid. sess. 5. cap. 1. de reform. Ratio est, quia administratio Ecclesiæ est potestas spiritualis uti etiam Iurisdictionis prælatorum, quæ in causarum Ecclesiasticarum decisione, beneficiorum collatione & similibus exercetur, ideoque illarum venditio vel locatio labem continet simoniæ cap. 2. § 3. b. t. & can. Salvator. cum can. seq. caus. 1. q. 3.

O B J I C T I E S 1. Licitum est pro annua pensione Iurisdictionem sibi competentem remittere; cap. constitutus de dom. relig. ubi Episcopus Iurisdictionem super certo Monasterio sibi competentem pro annua pensione remisit; Ergò etiam poterit tali pensione de novo cedendi consequentia probatur ex cap. veniens de testibus. cap. querelam de simonia & demum ex ipsâ ratione, quæ suadere videtur, paria esse quoad labem simoniæ remittere & dare; Ergò si remittere liceat, etiam dare licebit; aut si concessio simoniaca fuerit, etiam remissio talis erit. Respond. Neg. anteced. quia cap. constitutus citato annua pensione non tanquam premium remissæ jurisdictionis soluta, sed solum ad probationem antiquæ subjectio-

nis, & concessæ exemptionis signum reservata fuit, ut inquit gloss. in cit. cap. verbo *Recompensationem*, quod ipsum docet *Gonsal.* in cap. 3. b.t. num. 6. Ad probationem Respond. Paria esse quoad labem simoniæ, remittere pro re spirituali debitum, vel dare certam pecuniam, de hac enim remissione loquuntur allegata capitula non de remissione jurisdictionis.

OBJICES. 2. Licet Ecclesiam pro anno censu alteri locare; cap. fin. b.t. Ergo male dicitur talem Concessionem esse simoniacam. Resp. Neg. antec. citato enim cap. finali. non agitur de locatione ipsius Ecclesiæ vel beneficii, sed fructuum tantum & proventuum, quos locari posse dubium non est. cap. 2. de locat. conduction.

OBJICES 3. Romæ Clerici-camerales & & auditor cameræ emunt sua officia, quibus nihilominus annexa est Iurisdictio Ecclesiastica, ergo vel male egit Pontifex, hæc officia vendendo, vel eorum venditio non erit simoniaca. Resp. Officia hæc non venduntur, sed redditus annuatim percipiendi, quod à Pontifice explenitudine potestatis fieri posse nemo negabit.

TITVLVS V.

De

Magistris & ne detur aliquid pro
licentiâ docendi.

QUÆRES. Quinam b.t. dicantur magistri? Respond. Nomine Magistrorum hic veniunt omnes qui in aliqua scientia summum gra-

dum